

**Vildana Bešlija**Zastupnica u Skupštini Kantona Sarajevo  
Sarajevo, 21.04.2026. godine**Uputiti:**Bosna i Hercegovina  
Federacija Bosne i Hercegovine  
Kanton Sarajevo  
Skupština Kantona Sarajevo  
n/r predsjedavajućem, g. Elvedin Okerić**Dostaviti:**Ministarstvo za nauku, visoko obrazovanje i mlade Kantona Sarajevo  
Univerzitet u Sarajevu**PREDMET: Zastupnička inicijativa**

Poštovani, na osnovu člana 106. Poslovnika Skupštine Kantona Sarajevo („Službene novine Kantona Sarajevo“, broj 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20 i 16/22), Vladi Kantona Sarajevo, odnosno Ministarstvu za nauku, visoko obrazovanje i mlade Kantona Sarajevo i Univerzitetu u Sarajevu upućujem **inicijativu za usklađivanje cijena usluga, upisnina i drugih troškova propisanih Odlukom o davanju saglasnosti na visinu participacije cijena usluga, upisnina i drugih troškova studija Univerziteta u Sarajevu, te fakulteta i akademija u njegovom sastavu (“Službene novine Kantona Sarajevo”, br. 19/19, 31/12, 36/12 i 15/15).**

**O B R A Z L O Ž E N J E :**

Odluka o davanju saglasnosti na visinu participacije na Univerzitetu u Sarajevu donesena je 2009. godine, u periodu drugačijih ekonomskih i organizacionih okolnosti, koje su se u međuvremenu značajno promijenile. Od trenutka njenog donošenja do danas došlo je do izraženog rasta troškova života, inflacijskih kretanja i povećanja operativnih troškova koji se odnose na održavanje infrastrukture, administrativne procese, informaciono-tehnološke sisteme i studentske servise, što direktno utiče na stvarne troškove funkcionisanja Univerziteta i njegovih organizacionih jedinica. Istovremeno, važeća odluka propisuje fiksne iznose participacija bez ugrađenog mehanizma periodične revizije ili jasnih kriterija usklađivanja s ekonomskim pokazateljima, što dugoročno stvara nesrazmjer između realnih troškova pružanja univerzitetskih usluga i finansijskih sredstava prikupljenih po tom osnovu. Usklađivanje visine participacija potrebno je posmatrati kao dio šireg procesa modernizacije i unapređenja efikasnosti univerzitetskog sistema, a ne isključivo kao pitanje pojedinačnih iznosa. Naime, savremeni modeli upravljanja visokoškolskim ustanovama podrazumijevaju paralelno prilagođavanje finansijskih odluka i digitalizaciju administrativnih i studentskih procesa, čime

procesa, čime se smanjuju operativni troškovi, povećava transparentnost uplata i unapređuje kvalitet usluga dostupnih studentima. U tom kontekstu, revizija odluke o participacijama treba biti praćena jasnim opredjeljenjem za razvoj digitalnih sistema plaćanja i evidencije, što bi omogućilo racionalnije korištenje sredstava, jednostavnije procedure za studente i pouzdaniju kontrolu finansijskih tokova.

Cilj ovakvog pristupa nije puko povećanje ili smanjenje participacija, već uspostavljanje pravednog, transparentnog i održivog sistema koji će istovremeno uzeti u obzir socio-ekonomski položaj studenata, realne troškove Univerziteta i potrebu za postepenom digitalnom transformacijom, kao temeljem dugoročne stabilnosti i kvaliteta visokog obrazovanja na Univerzitetu u Sarajevu.

S poštovanjem,

**Vildana Bešlija**